

光緒山西通志

名宦錄十

錄一之十

山西通志第一

百

賜進士出身頭品頂戴兵部侍郎兼都察院右副都御史巡撫山西提督軍務

張煦

旨監修

守令

雍正乾隆

金鉞字震方遼陽人雍正中由廣昌知縣特擢太原府知府時撫藩創爲耗羨歸公之議珙言其不便及奏上珙適入覲上詢及因直陳所見既知事在必行乃請於養廉外多增公費上是之下所屬核稽章程其議遂定後官至廣西巡撫

錢標武進人由拔貢知太原縣有政聲歲荒悉心賑恤全活甚衆修學宮植土類諸生貧苦者咸資給之於渠堰水利諸事尤拳拳焉調繁榆次亦多惠政民尸祝之擢知朔州病卒貧無以斂兩縣人爭賻贈以歸

石鑑衡水舉人知榆次縣為人樸直專心民事或不便百姓者數力爭上官前必得請乃已雍正中方征準部山西采買軍需他縣辦者率爲民累鑑任其事前後十有七而榆人不知擾也卒以強直忤上官意假他事劾罷之鑑去後復有誣其在縣時侵稅錢者檄令追償榆人聞之爲釐金代繳乃已孔傳忠桐鄉進士雍正元年知洪洞縣明達亢爽案無留牘甫下車次第革行戶里馬官車徭役諸弊創建普濟育嬰二堂興義學立社倉捐千金購韓姓園爲書院延師課士詳請增文武學額又平廣聖寺水利立石以息民爭至今賴焉升解州知州邑人爲建二坊以頌其德

邵汝謙麻城人知岳陽縣慈惠廉明一介不取涖縣數年革除陋規十餘事邑民頌德建坊焉

吳世雍餘杭進士襄陵知縣催科有法剔清鹽政數村積欠捐俸代輸人尤難之

張瑞漢軍正白旗人由舉人知臨汾縣潔已愛民教養兼舉民至今思之

余世堂大冶進士知洪洞縣居心慈惠勤政愛民捐俸修城闕並西門城樓以及縣北惠遠橋遇訟事反覆推詳曲盡其情鄉里有以貧故致婚娶不時或夫婦仳離每出貲爲完聚焉至續修邑乘創立義學尤其政績之著者

周毓正山東龍山衛人以進士知浮山縣慈祥愷悌人不忍欺積學淵深素以文章知名海內去之日士民攀轅不忍別聞鈞長垣舉人襄陵知縣聽訟明捷周知民隱濬池修城多有政蹟

趙懋本大興人知襄陵縣勤吏治有幹才時經地震以修廢舉墜爲已任築城垣修公署補葺聖廟增修志書政平訟理士民悅服

閻煊南宮人臨汾知縣持躬清正蒞事明斷吏畏民懷至今有甘棠之愛焉

葉華暉城固人以進士令曲沃單騎抵任衣冠樸素見者並不知其爲令也旣視事恩威曲至決斷如神不二年政教大行旋以他故望誤士民聞之垂涕相弔去之日攀轅哭送連縣數十里謔思之久而不置云

彭洙字鳧麓安溪進士知翼城縣居官廉明案無留牘先是邑有里甲科派官利其私陋規相沿已久洙甫下車毅然裁革歲省民財數千金又創造河隄均平市價移駐防以固封

疆善催科而無敲朴實心行政民甚德之調繁安邑尋擢解州知州所至以循良稱始州與縣並隸平陽學使按臨向駐安邑及改設直隸州猶仍其舊洙旣司牧乃請移建試院於州城以符體制

趙溫字佩琳鹽山進士知岳陽縣居心慈惠吏治明敏嘗語人曰爲政當以教化爲先錢穀兵刑皆末務也故所輯縣志於禮制最詳論者以爲得臨民之本云

李居頤字養吉雲南河陽舉人雍正末年知翼城縣嘗葺文廟建奎閣通泮池他事以次舉翼志修於康熙癸丑舊刻泮漫因捐資重輯廣所未備縣署西所植柳成陰今稱李公柳云

冀廷鳳安陸人雍正三年由進士知蒲州居心愷惻莅事嚴

明重農惠商吏民懷服爲建坊東關以志遺愛焉性耽吟詠於蒲坂名勝考核甚詳並采有虞蹟圖考行世

杜庭珠字怡谷秀水人由國子生令臨縣調知萬泉承彫敝之餘苞苴悉絕事無大小力求利民如南河工役久爲兩州十縣之累申詳革免頓除積痼鄰民且匍匐頌德又西邊軍務頻興所派駝屨農器諸物率墊養廉採辦無絲毫累民而民亦若罔聞知其爲政忠信明決案無積牘詰奸禁暴良善胥安論者嘗比之鄭僑云

孫揆大興人以貢生知臨晉縣勸農恤災有古循吏風居五年去繼之者爲劉國綜山陽副貢亦以惠稱縣北坡嘗以徵科構數糾衆與官抗大吏惡其悍將臨以兵勢洵國綜時罷官閒居論散其衆令拘爲首者八人以獻亂遂定

劉培元字萬資山陽人由拔貢簡授虞鄉令時縣新設到官撫字倍至藹若家人凡有興作子來恐後嘗攝永濟並以惠稱甫一年轉咸安宮教習去宦囊蕭然有去時更勝來時貧之詠繼任爲徐大梁金谿進士以精敏著李景芬字介黍定州人亦有幹才建置之始凡城郭官府祠祀學校諸務多劉經始而徐李繼爲之典章文物寢以備云

郭麟生博平舉人雍正中長治知縣初下車值平定西藏採辦璫鐵等器羽書日數下麟生出公價設局願匠事集而民不知擾月餘丁艱信至士民赴省乞留者數千上臺以軍務勞午題允奪情在官鞠讞詳慎無隱弗達催額賦則差木卓警輕生則刊圖說甲寅八月大雨雹禾黍蕩然徧行安集勸富民出粟賑貸是歲饑而不害居八年調陽曲去之日士



民置酒焚香泣送十餘里絡繹不絕

崔琳任邱進士署長子縣正直清廉重士愛民輿情大洽有  
崔府君之謠

莫士桂上思舉人知屯留縣忠誠悻悻約已惠民以親老乞  
養歸行李蕭然民扳轅臥轍泣聲盈路

劉德潤漢軍正紅旗人襄垣知縣聽斷明允城西北隅當甘  
水之衝建石隄保障並修四城樓厯三年工始竣至今賴之  
許溥長垣舉人知壺關縣愛民禮士明於聽斷屢折疑獄

朱禮陶高安人壺關知縣民有罹法者將予杖輒感額熟視  
改從薄懲或竟籲免而於惡慙則不少縱德化所及羣懷其  
惠言及卽感歎至有隕涕者

賈容恂石城人雍正七年以進士知汾州府多善政創立西

河書院拔擢秀民造就之成其材

張學林丹徒人以貢生繼寶任視利有可與害有可除力爲民任之汾陽舊食鄰近土鹽後豪右與胥役朋比作奸鹽歸商銷假名查私大爲民害至不能堪羣訴於官學林察知其隱力請罷商以除積弊會去官弗果

崔應階江夏人以蔭生知汾州府遇事明而果斷初蒞任值前守理鹽政商銷病民案未結以法治之不少貸豪猾無所施其技

麥士偉字蓮亭江陵舉人雍正元年知石樓縣撫愛居民招集流移復業過半於其去職民甚懷之

袁學謨字迪來彭澤人以進士知石樓縣廉正愛民待士以禮而抑其奔競治豪猾制胥役嚴盜賊民懷其善政被劾以

去士民哭送於道者不絕

林中栒泗州人知汾陽縣慈祥愛民多惠政時知府張崔相繼釐清鹽法檄縣議覆中栒以鹽稅及平餘總攤入地丁銀內徵收永除豪右侵害且杜額外加耗之漸有碑記

方士模欵縣舉人知孝義縣釐奸剔弊盜息民安每聽訟執事胥役不敢多一語嘗攝甯鄉有兩邑神君之頌

吳錯婁縣舉人雍正末知甯鄉縣操持廉正實心愛民在任十一年嘗權永甯及石樓皆剔除積弊三州縣士民咸稱頌不衰先是雍正十年查墾荒地畝前任邵之楷虛報可墾地四百頃二十餘畝應徵折色銀三百餘兩按糧均攤錯蒞任問民疾苦力陳其弊於上官得題請豁免

劉毓岳商邱人雍正二年澤州知州蒞事有斷制治疲俗而

行之以剛決妖巫煽惑民幾至滋事計擒之伏辜閭井帖然  
升州爲府時以其才

特簡卽以知州受任建普濟堂有續州志四冊升河南按察  
副使

許日熾海陽進士歷宰夏縣安邑並有惠政擢解州知州旋  
署澤州府事性慷慨裕幹濟於事多爲經久不弊之計不避  
艱難煩苦如建鳳臺縣署解州之關廟建開社會招商皆所  
經始也殫心欲續郡志未成去去之日民庶遮道壺漿百里  
囊橐蕭然後官泉州知府

彭景曾海鹽人羨門學士之孫也作令陽城性明敏善聽斷  
事至立決民服吏畏縣中稱治先是民間因歲歉借官穀至  
數百石貧不能償久困追呼景曾下車知狀卽自出金買穀

入倉民相慶更生。在官三年以罍誤罷。縣人涕泣走送。其眷屬以貧故留。未歸鄉里。婦媪爭以黍豆餽。遺議者謂先後數十年。令陽城者多矣。惟景曾治行得民稱第一云。

甘士瑛。漢軍正藍旗人。知高平縣。居心廉慎。政治和平。官民相得如家人。父子升吉州知州去。

何陳宮。侯官舉人。知沁水縣。重士愛民。催科不事鞭朴。尤好善樂施於梅杏。二流會合處。創建二橋。爲一縣高鑰。

許惟訥。字省文。婁縣人。由進士。歷牧令。性廉介。所至有賢聲。雍正元年。擢授大同府知府。益奮勵有爲。以興利除弊爲已任。府西南口泉村。額徵商畜兩稅。向係堡長經收完納。後乃委員稽查。因緣爲奸。頗爲擾累。惟訥曰。稅課第無虧正額足矣。奈何以培克病吾民。立撤回委員。令舖戶自納。並嚴堡長

代徵之禁至今便之村民立碑頌德

屠嘉正字時若浙江進士雍正十三年知大同府事勤勸課  
崇學校禁差派以清淨爲治吏民安之越二年升福建按察  
司副使以去民爲之歌以頌其德

陳際熙字枚從石屏州人雍正三年天鎮改衛爲縣由舉人  
任下車清釐屯賦建立壇宇更革之始文物制度燦焉俱備  
八年大旱南川被災尤甚際熙捐廉倡賑請於上發倉以濟  
閭里咸慶更生爲樹石米薪關頌之職再滿乞歸

劉士銘宛平舉人雍正三年特授朔平府知府時新卽衛所  
爲府治諸多草創銘繕修城垣建壇壝及各廟祀又以其暇  
創輯朔平府志十二卷更革之始文物寢以備焉所刻訓士  
要言化民淺語各條皆於人心風俗有神益云

王杜會稽進士知平魯縣時值更始事多革創公廉明幹措  
施裕如建節孝祠以褒貞烈修晉濟堂以惠孤貧義舉善政  
不一而足雅有甘棠之遺

魯直全椒舉人雍正初榆杜知縣秉性剛直革除一切陋規  
董宗孔洛陽舉人任榆杜寬濟以猛催科有法興廢舉墜一  
切祠宇城垣衙署俱行修葺歲辛亥又捐廉重修文廟縣人  
相與樹碑記其事

葉士寬字映庭江蘇長洲人博學工詩文康熙庚子舉人知  
定襄縣雍正八年遷沁州知州爲政善知民隱滌除煩苛遇  
事不假手胥吏事辦而民不擾權濫安知府除諸稅之無名  
者復四門集以便商人民大懷畏歷權平陽太原治行爲山  
西最十二年以薦入朝

賜蟒服推紹興知府終甯紹台道其去晉也沁人爲立祠祀之

揭延齡永豐舉人雍正元年任武鄉知縣清慎廉明時連歲旱荒餓殍相望延齡具文申報蒙

聖恩發帑賑濟延齡親身散給深山窮谷莫不遐歷吏胥罔得侵漁民以全活在官未及半載卒邑人思其德奉主祀諸四公祠改稱五公祠

張憲齡東鹿進士知武鄉縣爲人寬厚有器局喜與士大夫相酬接訪求民生利弊治事臨民悉歸寬簡嘗言爲政大指在順民情戒無擾而已民甚便之嘗輯縣志綜集數十年事甚明備云

李濂濟甯舉人雍正二年平定州知州爲政明敏詰奸除暴



一郡肅清初商民苦鹽英稅重濂至減其課創建書院爲造  
土地復於郡東北地都邨治水灌田民尤利之未幾升去州  
人遮道泣送建祠以祀

青阿立奉天人知平定州初州民苦派累至家無蓋藏乃革  
除里長害遂絕前牧李濂所治地都水利復相度而續修之  
灌田四頃有餘州產稻皆李青二人力也民並祀之又石門  
口邨地乏水泉李爲度地捐俸修池蓄水阿立亦踵成之遺  
澤至今邨民仍合祀於池上焉

胡具體容城人知壽陽縣修葺學宮及東關社學蒞政久有  
循聲縣西太安驛路最峻險鳩工削平砌以石四十餘丈行  
旅便之名胡公坡

閻焯字言揚南宮舉人知孟縣事英敏善聽斷孟故多博徒

煊始至得犯者贖其罪令轉相緝捕一時游手屏息捐修城  
工規制巨麗又勸民紡織爲具集城鄉婦女命其妻指授之  
弁除木棉稅孟民欣欣然望治化之成也無何調狄道去所  
事多格不行至今惜之

高景蕃字松占仁和進士樂平知縣蒞政勤慎風規肅清河  
汜杜莊民將逃散捐錢百緡以撫綏之雪冤理枉除暴安良  
七年之內四境清和行取主事升御史歷官福建興泉道

王會隆字盛斯霸州人雍正二年知定襄縣蒞任初佯不能  
事聽吏胥行止越兩月悉召諸吏指示所行其欺某誤考掠  
俱伏革其貪懦者皆大驚自是奉約束惟謹每朔望宣講

聖諭諄復勸教終日不倦編審丁戶升富汰貧民稱至公倡  
修文廟建普濟育嬰二堂及鋪舍茶房以恤行旅力行保甲

法均稅糧開水利設義倉諸政並舉而自奉雖一蔬一薪皆照時價發買蒞官六年民不知橫斂之苦及旱潦之害尸祝至今不替

楊宏志奉天鑲紅旗人雍正六年授代州知州爲政務存大體每遇歲旱步禱句注陞神雨卽時至人以爲異性至孝時遵母命薄罰減刑民感其惠相戒勿觸法嘗手書堂楹云頭上是青天若有一點私心便恐雷霆迅擊眼前皆赤子卽存十分公道還羞父母虛稱

陸長華字袞侯秦興人任五臺縣清廉明幹不畏疆禦定制五台山喇嘛飼馬之草豆所用之米麥茶油從地糧內撥給銀一千二百兩令喇嘛自行買用後縣令借採買之名悉數糾派民間供應喇嘛每歲需五六千金大喇嘛司事之僧乘

勢橫索合縣疾首蹙額恆不聊生如是者歷有年所長華抵任欲治之適縣人鄭嶧官檢討應

詔言事備陳採買擾民狀奉

旨查辦大喇嘛之司事者首曰典器操重權有瓊喇木元旦者尤橫恣佃戶杜青雲之妻王氏有殊色元旦覘青雲外出令其徒薩木拉守門突入犯王氏王氏怒喊持刀格拒元旦驚遁青雲歸泣告遂投緘死青雲訴於縣長華託別故遣人以束邀元旦至則延之上坐長華故善拳勇突起手縛之元旦謾罵曰必砍爾頭長華詣驗王氏尸捕得薩木拉證之元旦猶不承應加以刑夾乃吐實寘之獄卽通詳并臚列其採買擾民狀晉撫入奏寘元旦於法王氏隨案旌表每歲仍於地糧中撥給喇嘛銀一千二百兩一切自行買用民間採買

之弊永遠革除喇嘛由是斂迹合縣出水火喜若更生立生祠以祀之生子或以陸命名在任未一年調補河津縣士民臥轍攀轅如失慈母

師正楷臨潼舉人自和順調任繁峙爲政清勤一錢不妄取後聖吏議落職未幾病卒貧不能具棺斂士民相與悼歎

楊燭字玉齋固安進士知繁峙縣性明敏訟至立決案無留牘有殺販花商而劫貨逸者燭檢舉佯曰醉傷也令瘞之而密遣役於鄉里有鬻花者以聞未幾果獲真凶蓋其人意事已平故罵之于僻村也某甲客於外乙往投之月餘乙歸甲周以路費且託寄三金於其家乙乾沒之甲歸而訟之縣乙堅不承且誣曾以金資甲而後歸燭田爾誠好人今令汝再出三金資其家何如乙頓慚沮退而如數償之其斂決多類

是

艾芳崇仁進士雍正九年知芮城縣革里催設滾單至今便  
之有德政碑

車敏來邵陽進士雍正九年知保德州軍差駝馬過河調度  
得宜民不受累立書院躬親課士十三年以憂去

趙尙友南樂進士知夏縣律身正方任事實心尤長於聽斷  
前令許嘗議修文廟未果許曰熾歷知解州及安邑尙友卒

成之內遷中書去

萬國宣江西南城人雍正元年知絳州廉幹明敏蒞任二年  
值改直隸州乃更察院爲貢院易天主堂爲東雍書院典章  
文物多所規措升歸德知府歷浙江按察司

米士銘本姓劉宛平舉人知聞喜縣丰神凜然吏役畏之如

神居官六年冰蘖自矢謝請謁杜餽遺性復明決案無留牘  
每下令雷厲風行有怨之者行之久乃大悅後升任去士民  
餞送流涕累官荆襄僉事

李祖望恭城進士知絳縣持已廉介不徇私情一切行戶陋  
規悉爲詳革雍正四年議定學制詳請廣額並修學宮以興  
文教在絳九年沒於任士民哀泣爲繪像祀其主於興國寺  
中至今歲時猶有瞻拜者焉

張渡鄆城舉人知河津縣治本經術尙文教遇訟事多勸導  
之使立息津民爭水利積訟累牘虛衷詢訪洞悉原委案定  
吃不能移正賦不事催科下帖諭之民輸將恐後蒞任五年  
告老去去五十餘年父老時傳其政績稱爲張夫子云

徐雲貴陽舉人由興縣調聞喜老成幹練遇事有膽力申請

丁糧歸地辦理悉當公私賴之

李卓揆字澄百香山舉人知垣曲縣清廉公正人不敢干以  
私立會課士政暇卽與講授多所造就調曲沃去亦以循聲

聞

吳元弼錢塘人雍正五年知隰州修廢舉陸政簡刑清頌聲  
載道

鍾恆貴筑舉人知大甯縣居心忠厚澹泊安靜邑人德之立  
去思碑

杜瑾濱州人大甯知縣東關外暴水漲衝路幾阻捐砌石堤  
一道行人無虞補修西南隅城下基址以及垣堞迄今藉以  
保障

江承誠吳縣人雍正元年知趙城縣政浹人和四鄉通衢所



至建坊頌德

胡承澤桐城人以進士知靈石縣文學素爲時稱而留心政  
治在官無廢事縣北門外小水河隄屢修屢圯乃易土以石  
長三百丈有奇又於隄外築小堰八十九丈民立石號曰胡  
公隄

梁應宸甯夏人自廣昌調任靈石初下車卽以招徠流亡殺  
韓居民爲先務愛民勤政案無留滯又設義學立社倉修隄  
堰築城垣嚴行保甲除匪安良民甚德之建祠與徐令來麟  
同祀額曰二賢

王極昭廣西全州進士知趙城縣時洪洞民爭霍泉水利將  
限水石擊碎前令江承誠躬率復置隨置隨擊極昭抵任承  
府守詳議鑄鐵柱灑水爲十道駕橋於上而構亭覆焉至今

趙七洪三永爲定制世世賴之

右雍正年七十四人

又三人附見

周景柱遂安人舉人乾隆中由中書任太原同知月餘擢知太原府性清剛斷案如神庭無留獄時安邑愚民據城佐巡撫阿公統兵往景柱留兵不遣隻身前諭衆開城服罪獲其首事十餘人戮之保全無算厯知甯武蒲州二府在蒲興建書院以及考院府署濬姚涑二渠與五姓湖規復水利民尤惠之累遷河南甘肅按察使蒲州甯武二志悉所編輯也

梁卿雲安州進士乾隆十一年知太原縣廉饒執法豪猾斂迹濬引汾河復歸故道後升廣東連平州知州士民思之乃於城隍廟左立祠歲以三月四日祀焉

呂崇謐字士凝甯陵人明山西巡撫坤之元孫也以進士任

山西通志卷一百一 名宦金一 十三  
太谷知縣蒞任卽宿廟誓神錙銖不苟取折獄如神時延父  
老咨問疾苦嚴保甲興水利尤好獎勵人才立文社於文昌  
宮尋卽察院廢署改建鳳山書院太谷文風實由此始焉甫  
三年引疾歸士民皆痛哭送者塞路

陳詔楚雄舉人知太原縣政簡風清愛民如子乾隆二十年  
劉文正公統勦清查虧空適詔有挪移未補銀三千餘兩士  
民恐得罪一夜間卽代爲補足文正大爲嘉獎後升青州府  
知府

楊潮觀字笠湖無錫舉人知文水縣在官以視躬澤物爲務  
不避艱難繁劇歷年徭役不均值編審親加區別除餽寡孤  
獨千餘人民德之後遷邛州知州

江二儀元和舉人知太原縣緝盜安民清理詞訟補修縣城

百姓至今思之

高官聖昌黎舉人知陽曲縣勤政愛民撫馭有方不曲事上官而上官無不刮目相待升忻州知州

單燾高密舉人繼高任承高之後加以嚴明吏輯民安至今父老傳聞稱好官者無不知有高與單云升霍州知州

轍臣滿洲鑲白旗人乾隆四十一年由歸化城理事同知攝太原縣事補築護城石堰以禦風峪之水城賴以安

王鴻謨直隸雄縣舉人乾隆五十年知太原縣剛毅果斷清廉愛民至今猶思其德

汪志伊桐城人知榆次縣一以愛民爲心遇事能斷故雖地稱煩劇絕無留贖縣東南鄉值荒歉力行救荒之策分上中下三等上戶出粟各分三等以次而減下戶受粟亦各分三

山西通志卷一百一十一 名官錄十一  
等以次而增法良意美民胥實惠代州有冤獄將行刑矣州  
牧王秉韜白其冤志伊奉委覆勘撫臬以原讞失入事白且  
獲譴微示以意志伊不可卒平反之官至浙閩總督著有荒  
政輯要刊行於世

蔣維澧青浦人由副貢知陽曲縣馭奸以法待士以禮去莠  
扶良四境晏然升連州知州去

李鸞字南畹大荔人乾隆元年以進士知鄉甯縣清廉寬厚  
造士養民署中用度率自秦中齋至不足質田以濟聚諸生  
躬自講授多所造就踰二年調右玉去就升朔州知州卒於  
官士民思之爲建祠壽聖寺左以祀

閻介年蔚州進士繼李任博學工詩遇事明斷課士尤勤迎  
養其父事之甚孝縣民化之調知永濟去繼之者爲安鄉張

孫鉉乾隆五年以副貢任其廉介與李同而在官稍久於輿情特惠洽調哮喘未幾卒民間之爲建醮泣奠焉

李允字二非沈邱舉人知浮山縣潔已愛民每朔望讀法導民以孝弟禮讓娓娓不倦鋤強抑暴豪猾斂跡不肯媚事上官有古強項風民尸祝之工詩有集行世

陳廷科字桂侯安溪進士知翼城縣性慈祥不事權朴約於自奉已卯歲設法開賑全活無數歷官七年治廳事築河隄鳩工構材皆不煩里甲而事集云

陳朝書涪州舉人知襄陵縣爲政廉明創建姑汾書院集士設課文風丕振

鍾聲駿永豐進士知鄉甯縣下車增修東城護隄以遏水患已卯歲歉設法平糶全活甚衆加意學校嘗於東鄉得地十

六項有奇送歸文廟爲歲修資至今賴焉

韓夔典字堯章故城舉人知翼城縣明敏果斷法立民服在官修河防設義塾縣城內無水於衙道西濬池若干畝居民就以泔洗利溥而不勞又於北關孔道創建廣運橋車載蹇負得免顛越邑民立石頌德調徐溝去尋擢朔州知州

李希軾字景蘇長壽舉人知岳陽縣多善政邑民感恩建坊以志其後令岳者有勞敦杰懷甯進士陳國敕保山舉人並以慈惠著周元謙錢塘人以舉人先陳任矢志清潔時有廉吏之稱

張坊字湘帆湘潭人由拔貢知天鎮調任曲沃先是邑有兩驛官疲民困坊請於上官分還蒙城驛於太平史村民困始蘇修從教書院營膏火設杏花紅銀兩以佐公車之費其在

天鎮以邊地早霜多習建霜神諸祠而闕書院其側聚文士  
講授凡所興作多以儒術緣飾吏治所纂天鎮曲沃二志考  
核頗詳升保德州知州乞疾歸

葛清字慎先任縣舉人知鄉甯縣時山中多虎鄉人習謂爲  
神物無敢議捕至空村遠避耕牧失時清抵任力破羣惑募  
獵戶懸賞格連獲十六虎而忠絕招商勸農田野大闢戶口  
驟益乃建山神祠於城外勒石記其事

圖紹世朝邑進士乾隆末知洪洞縣治本經術實政及民捐  
貲重修學宮及玉峯書院復糾集紳富出錢購水田百畝收  
其租充生徒月餼迄今賴焉

鹿荃定興人以拔貢知永濟縣蒞自政府後舊州學府縣共  
之荃至始領庫金創文廟及師儒齋舍竭力規畫既成復捐



俸二百餘金歲以其息備春秋祭品之用至今賴之

呂東表德州進士乾隆戊辰自猗氏調知臨晉歲值旱饑請於上官發倉頒帑得粟萬餘石盡以賑復廣諭富人出粟設法平糶民氣大蘇以他事罷官貧不能歸縣人資送之而樹碑通衢以志遺愛云

傅克欽建陽人以拔貢知臨晉縣甫下車卽以培植民風爲先捐俸五百金創建柔泉書院次修文昌祠人文彬彬稱盛焉

王正茂字竹崖蘆江進士知臨晉縣學問淵博宏獎風流於地方興革事宜悉筆之於書依次更張民以訟至必準情度理多方曉譬惻怛之意出以至誠往往兩造息爭或至悔泣修葺學宮以及壇廟區畫疆域分東西南北四鄉名以仁義

禮智蓋無事不以闡教正俗爲心也所輯縣志體具別裁於地勢民情一方利弊言之尤詳允推名作云

古澧荊州進士知虞鄉縣勤慎愛民廉介自持善說易聚多士親講課所定讀書章程縣人猶多守之

余克長澄海舉人授五寨知縣調補虞鄉時值大祲諄諭富民出粟貸之民賴以安嘗用形家言詳請改署北向又以涑水之利猗臨獨食會有修河之役力爭於當事建閘邸家營開渠以滋灌溉今藉其利

褚天門歸德進士知虞鄉縣材識明敏精於吏治時奉文辦買歸化茶務他縣或按里分派天門立出俸購足先期報解事辦而民猶未知也以憂去邑人惜之

梅雲騏南城舉人選授虞鄉令儒雅有幹略當分設之始諸

務簡陋捐俸倡修規模漸以宏整焉會金川凱還樊橋一驛  
與臨晉分任之雲騏以馬聚一地艱於秣束且需多人守候  
令各里選馬自喂臨用傳集費省而民亦忘勞後以疾乞歸  
縣人感頌弗衰

畢宿燁字溥幼文登進士知萬泉縣時稱其才具明析辦事  
勤幹立品端嚴實心惠愛歷官五年升澤州府同知

楊令琢甯都舉人剛毅有爲明習吏治知榮河縣修志乘建  
譙樓諸廢畢舉政聲丕著

熊耳源字泊泉江西人以舉人知榮河縣縣舊有三鳳書院  
久廢爲捐俸別建於城東籌經費立條規凡所擘畫足垂永  
久士人咸樂道不置云

鄭賜圖字伊溪福建人由拔貢知榮河縣縣濱大河與韓城

界灘地出沒無常兩縣民爭壤久不決蒞任後極力區畫界始定書院創自熊令爲增修之捐廉以充經費及去民立祠以祀

周大儒廣安舉人知虞鄉縣學問淵博練悉時務在官愛民重士爲政之暇孜孜於學縣分設垂六十年矣志乘缺如大儒始創爲之搜採甚勤云

史弈璜溧陽人乾隆二十二年潞安知府政尙簡靜屬吏一無所擾稅課革其弊政約束胥吏不敢絲毫橫索去任後民爲立碑紀之

張淑渠濟甯人以進士歷宰壽陽永濟所至以教養爲先政聲卓著累遷潞安知府時平順舊縣已議裁經費分撥三縣善後事宜民皆安之而設立鄉學尤爲士林所感在任六年

政尙不擾於孤貧加意周恤野無餓殍會大計奏最遽以內  
艱去民爲立碑以志遺愛

吳九齡沐陽人以貢生知長治縣戊寅歲大旱民飢勸諭富  
民各出米粟於城鄉設廠八處平糶減市價之半董以紳士  
錢歸米主民賴以安重建文廟及節孝祠纂修邑乘考訂較  
前人加詳焉升廣西梧州知府

焦以敬婁縣進士由翰林改授屯留知縣學問淵深聽斷明  
決創立書院作育人材丁卯戊辰邑東北鄉被災捐俸振濟  
迨告病回籍士民攀轍而隕泣者越境不絕

胡相忠贛縣進士知屯留縣重修書院勤課諸生聽訟公平  
寬嚴並濟調介休令縣人爲立去思碑

展繼陵靳水進士知襄垣縣慈祥愷悌聽斷和平民情愛戴

陋規如新生公堂禮鹽當節壽儀悉革除之其後令此者有  
興國進士趙盤又南籠李體中以拔貢任並有循稱

蔣一鳴臨桂人以拔貢知潞城縣潔已愛民重新廟學以疾  
乞歸

劉汝翼廣平舉人知壺關縣持躬廉介人不敢干以私寬厚  
馭民而吏胥有犯毫髮無所假在任五年政和民乂甚著循  
聲

張坦讓漢陽人乾隆四年以舉人知汾州府廉正恤民先是  
雍正十年查墾荒地晦甯鄉知縣邵之楷虛報可墾地四百  
頃二十餘畷實無其地後知縣吳錯念民力不支欲請不得  
間會坦讓至遂以爲言坦讓力任之得具題豁免在官八年  
多善政

周章煥江津舉人乾隆十七年由吳橋令擢知永甯州慈祥撫字吏民懷之

王興穀金山人知永甯州興利除弊吏民懷服一時稱廉能焉去任後建祠祀之

雷暢井研人以拔貢知平遙縣加意民事修惠濟橋以便農商建文昌閣奎星樓以振文教設立西河書院延師課訓士皆感悅

顧之麟仁和進士知平遙縣實心任事請帑修恩豫倉以備荒歉

朱廷掄字翹亭會稽人以進士知汾陽縣慈惠明察治獄務虛衷不輕施刑民有因姦殺其本夫者姦婦誣指警某於五更時呼與共樵遂被害拘至則其人固居羶肆血刃存焉然

察婦無戚容密訪之具得其實獲真犯抵罪一時稱神明賞  
值亢旱步禱於介休縣山甘雨立沛人有百里隨車之喻居  
五年去官民謠思之

李由中邵武人以拔貢知平遙縣聽斷明允士民感戴俎豆  
祀之

關上謀石樓知縣乾隆四十七年任奉

旨書福壽康甯四字

綸恩優褒擢升知府

王謀文浙江人介休知縣明敏練達不避勞怨縣有巨猾李  
某積久不能治履任月餘卽擒解送省一縣肅然加意興建  
繕城濬濠修復書院經費頗鉅卒力成之在任四年以憂去  
士民祀之縣山書院



巫慧安徽人知介休縣甫下車值大旱斗米千錢窮民無所得食適運河南陝州米三萬五千石過境爰請於上官移知河南截留若干石俱允焉因得減價平糶民全活以萬計陳之銓浙江人知介休縣多惠政義棠驛久爲棍徒盤踞至於分黨械鬪立擄數人置之重辟一時士民稱快仕至甘肅鞏昌道

徐鈺南豐人以進士知汾陽縣謝絕餽遺裁免行戶縣役素橫肆鈺痛懲之於是民情緘悉得達於官數月惠聲大著盜賊至相戒不入境縣倉例春放秋收名取耗數若干而民還輒倍遠鄉下戶或三倍未已入皆精粒而出時雜秕糠民咸苦之鈺親其收放夙弊頓除未幾調甯武去之日送者塞途村民持田器奔拜道左或望見已遠則遙拜之其得民心若

此

顧學潮元和人知汾陽縣清操惠政一如徐令而才尤敏嘗  
密訪市井凶頑榜其名廳事左右凡酗酒鬪毆到官視壁上有  
有名者重懲凶徒屏息縣故多民訟學潮得狀卽按去城遠  
近限時刻勾審用是胥役無所施技而刁健亦生長心訟爲  
之省甫一年擢知樂州

德貴滿洲正白旗舉人勤政愛民每遇歲歉設法資給口糧  
以甦貧困民獲安堵整理書院延師講授躬親勸導

蔡亮茂德清進士知平遙縣修理學宮振興文教勸民勤業  
政簡刑清

鄧必安南豐舉人知孝義縣居心仁厚蒞政嚴明修學宮設  
書院其加惠士林懇勤化導無異業師勤課農桑或遇芻牧

上卷第一  
二  
踐食禾麥必重懲之築修邑志詳贖有法一時有良史之稱  
汪本直江蘇進士知介休縣明幹有爲驛館向在城內近市  
湫隘臺使往來多妨行旅因就西關別建而擴故址構考棚  
爲試士所無不稱便遷知忻州建書院於九龍岡修元遺山  
墓繪圖勒石海內名宿題詠殆徧

莫友仁會稽人以拔貢知臨縣時邑中多所廢地下車勸課  
農桑漸以墾闢振興學校宏獎士類數年政通人和百廢具  
舉民思慕之祀名宦祠

楊飛熊江南山陽舉人知臨縣劾區田以壯農功勤勸課以  
作人才政修事舉媲美莫令民甚德之

穆丹字荔帷滿州正藍旗人由進士知隰州調署澤州府屬  
臺大猾聶全者結吏胥爲姦樊山開採煤炭獨擅其利百里

內無敢與競勢豪橫不可制丹捕緝之潛逃入都具呈戶部  
願援熱河煤廠例歲納課稅獨占山西一省煤洞丹臚列其  
惡狀上聞全獲遣戍百姓無不稱快

劉絕煜諸城舉人知鳳臺縣性剛介遇事有不便雖上官無  
所阿輕徭薄賦與民休息時議修治天井關道荷鍤者日以  
數千計絕煜馳至關遍覽形勢力白於當事以爲山水漲沖  
不常徒勞人力妨農功事遂中止受役者肩鍤交慶嘗暑曲  
沃值西邊軍興車馬旁午爲核減得實均其供應民不知擾  
其後卒於平陸沃民感其惠爭往賻之

李元坦濟甯進士知陽城縣爲政嚴肅整躬率物令行禁止  
在任十餘年豪猾斂迹良懦安堵尤善折獄婦孺皆喜稱述  
之

陳知舜平涼進士知陵川縣爲政教養兼施創立書院身親督課嗣是人文蔚起勤於勸農暇輒巡行阡陌與父老話桑麻渾忘其爲官也蒞任九年時和年豐及去邑人祠祀之施敬勝錢塘進士知陵川縣居心廉靜馭下和平承地方疲敝之後民氣以蘇奉憲辦公餘資數千悉以增修文廟陵人謂自國初孫公後百餘年來有功德於地方者以知舜爲最士民祠祀之

王篤祜全椒舉人知陵川縣修廢舉墜有利必興葺郝文忠公祠置祭田令其裔孫承祀復捐金生息以爲教養之資移書院於城中廣構齋舍置田若干畝爲經久費皆其政績之大者縣人於其去也建碑以記

程德炯歙縣舉人知陵川縣勤於政治修復曾育一堂以惠

老幼之貧者重輯縣志於山川關隘繪圖立說頗詳核云  
汪大醇武昌進士知沁水縣勤慎儉肅力革夙弊加意士林  
厚培風俗石甃城西小嶺以利行旅士庶爲之立碣曰汪公  
嶺

王縱先膠州進士知沁水縣性情和易民樂其寬喜與士大夫  
游雖詩酒流連而無廢事繼任爲王統先其從弟也強毅  
有爲言笑不苟吏民皆以嚴見憚兄弟相代而性相反人以  
爲奇

吳伸漢軍正黃旗舉人由福建鹽大使擢知沁水性廉直判  
事明決雅喜宏獎嘗闢碧峰書院公餘輒集生徒講授下鄉  
遇諸生接見卽爲考經史論文藝夜分不倦士人至今以爲  
美談

嘉祥字芝亭滿洲鑲藍旗人以部郎出爲汾州府知府乾隆二十五年調知大同值歲屢荒繼之以疫煮粥施藥多方振濟死者給棺爲斂大有倉米向例春借秋還其年大稔仍予免息任輦者率裹贏餘以去歡聲載路雲中書院久廢爲督署乃度府治西隙地鳩工重建率屬捐俸爲膏火費士風蒸蒸日上蒸然起考績以賢能薦卓薦移守太原郡人誦述弗衰

嚴慶雲字藹如沔縣進士乾隆二十九年由臨縣升知渾源州能以經術飾吏治凡州中廟學書院壇壝隄堰多所建修而詳請丁糧攤歸地畝及右衛兵米改解折色民尤利賴州地故磽瘠慶雲自沔購陽芋試種頗宜乃勸民廣植其後屢遭旱歉多藉以濟關北州郡迄今普利焉在職十二年內升刑部員外郎祀名宦

李葳樂亭舉人知山陰縣乾隆戊辰歲旱民乏食葳力請修築城垣以工代賑乃親董其設計功授食俾得值足養妻子且時優犒資民不知災

方恭愈浙江人以選貢知山陰縣持躬清介自奉泊如建書院葺廟學文教振興在任四年去之日囊無餘貲士民送者爭餽贈卒謝不受

皮禮寶字律齋滿洲人由繁峙調任大同力圖振作百廢俱舉學宮坍塌毀然修之縣治將不蔽風雨亦加營建然絕科派不以累民以此見重一時薦擢太原知府累遷至右政使傅修字竹猗海陽舉人以山陰知縣調大同時御河西移將鬻及城捐俸障以隄而建河神祠其上西鄉有泉導以灌概名以養泉並刻石記之善治獄隣邑有被殺於道者不得主



山西通志卷一百一十一 名臣列傳一  
名修奉檄代驗度其地曠惟數里外有穴土而居者掩捕果  
得正犯由是凡疑獄之不結者上官輒委治之職滿擢磁州  
知州累遷至山西按察使

吳逢聖桐城人知平遙縣乾隆五十二年調署大同時值旱  
饑餓孳遍野逢聖措置有方凡勸捐助賑煮粥平糶諸務能  
於前人荒政推行無遺全活至數萬人迄今尸祝弗衰

孫惠采嘉善舉人知廣靈縣共推謹廉

何瞻湯和平舉人知靈邱縣馭奸以法待士以禮除莠安良  
四境靜謐創建書院培植文風

朱宗洛無錫人以進士知天鎮縣性剛介爲政務行實惠恒  
惻誠至邊士素不解織乃覓南中婦女來徧教之月察其勤  
惰久之機杼四起布價爲之減已酉飛蝗入境躬禱於神率

民力捍禦遂不爲災明年旱祈雨盤山跣足行烈日中踵爲之破比歸而甘雨大沛合境霑足遂於易占多奇驗廣昌有大盜越獄卜之就獲於西南山谷中窮治並得其窩黨人驚爲神卒於官囊囊蕭然僅手鈔書數十卷士民環泣失聲聚資歸其柩祀之闕廟別室春秋謁奠至今不絕所著有周易觀玩篇及文集若干卷

朱休度字介裴秀水舉人知廣靈縣值荒疫之後流亡過半賦不及額而丁糧未歸地者或丁絕糧存或地在人亡或自外歸占侵他人之田或未歸而他人不敢耕其田休度安撫招徠躬親履勘莫其居而勸之耕一年而荒者墾三年而土無曠丁糧地糧歲無逋負尤善決獄大吏知之遇難事輒使之聽皆能得情性仁慈待人以誠人不忍欺又周知民隱聞

有訴曲直者折以數語皆悅服去數年間囹圄一空暇乃考縣之壺泉據鄭康成說爲周禮之漚夷川築文昌閣巽妙軒於壺山之上並縣廨新之居七年薦卓異不樂仕進嘉慶改元引疾歸縣人攀留不得乞其壺山垂釣小像勒諸石追餞出境者數千人休度深經術工詩又精數學卒年八十一死葬皆預定時日如其言卒後縣人請祀名宦著有學海觀瀾錄皇本論語經疏考異小木子詩集等書

張九功雲南人以進士知左雲縣興利除弊知無不爲其後有熊耳槐者亦雲南人由舉人任丙午歲款力請豁除糧賦皆爲縣人感頌久而不衰

李謙蒙河南夏邑人乾隆三年以歲貢知神池縣在官多惠政民感焉爲建生祠力拒不可旣聞民已集資購材乃因其

地爲義學今義學在城西北內祀呂祖像亦謙所爲蓋慮去官後民或申前說也

周文權以進士知神池縣創立觀華書院未終事而去然邊土文教實所啟也工詩善書今墨蹟有存者人皆寶之

衛諱字玉亭濟源進士乾隆中由工部主事外補遼州知州州爲山石磽确之地民藝黍畢多捕蕩詣分別五施授種棉養蠶法置機具於堂皇訓男婦紡織鈎考勤惰不數年布絹之利賴及他郡調解州去亦多惠政官至廣東肇羅巡道費映魁仁和舉人知榆社縣寬簡愛民百廢俱舉重修文廟補治城垣改地藏菴爲書院延請名師造就多士又以公暇纂輯縣志獨出新意多所發明調永濟縣去

劉銀鐵嶺人由舉人知沁源縣蒞任卽捐廉改義學爲琴泉

書院增益齋舍以居生徒農民完納屯米與兵丁支領月米舊皆由沁州牧發往反徒勞兵民不便覬詳請就近改歸縣倉俾免奔走羈候上官是之由是武鄉亦一律改歸兩縣軍民迄今頌德弗衰

高塘字梅亭南和舉人嘗再署沁源縣爲人內寬外和靡興學校盡心教養士風翕然一變縣民王某告其子不孝塘略訊數語遽以失於教化痛自斥責父子感泣求去如仇覽之遇陳元也去沁之後民思之祀於靳公祠

王定遠字石樵江西郡陽人以優貢知沁源縣爲政一以愛人爲本勸農課士情義周浹縣人素不治圃爲疏渠導之灌溉期年餘蔬盈市雅喜營造祠宇就圯者皆葺新之明巡撫蔡公功在沁民祠續於河爲別建於城中遇歲歉設粥廠以

食餓者時時親蒞之惟恐實惠之不及也任十餘年而卒縣人思之卽於蔡公祠祀焉

吳名琅青陽舉人知武鄉縣能以文學飾吏治徵發期會咸歸平允政簡訟稀好整以暇時寄情於吟詠書法繪事並皆入妙人咸以風流吏相許嘗改建大堂規畫有方不勸民而事集後調繁長治升保德州知州所至有循聲

沈士潮慈谿舉人知武鄉縣平易近人聽斷明允值歲旱步行禱龍洞山往返二百餘里足重繭不少休甫歸縣雨隨大注人以爲誠心所感宏獎士類諸生才者悉加優禮戊子庚寅兩與分校解首皆門下士也調知曲沃去

張五典涇陽舉人知武鄉縣剛果明敏迎事而決無有留滯學宮久做倡邑人捐貲重建之

王世銑奉天人乾隆二年以舉人任平定知州潔已奉公扶弱抑強遇事明敏治獄絕無留滯州境山路崎嶇東固關西黑沙嶺歷稱天險世先隨勢開鑿皆砌以石車行可通旅人便之

王祖庚字孫同華亭進士由隰州知州調平定爲人爽直慈惠披誠待人斷事明決案無留滯州志殘缺爲纂輯成書文廟祭器無存捐俸重置其在隰定州民政食土鹽之議迄今猶稱頌之

陶易字經初文登舉人知平定州學問該博以經術爲吏治蒞任後建修城垣振興書院纂輯州志教民紡織官署清肅案牘無留民咸以陶青天稱之袁枚嘗記其在州斷樂平某氏一事爲合郡所悅服云

吳炳字蔚然南豐進士知平定州清廉公慎愛民以德遇士以禮至今頌之

瑞亨字嘉會滿洲正黃旗人知平定州安靜宜民修固關石川會南天門諸坡險路以利行人會院司飭議裁甘桃驛並歸柏井亨以其不便於民議詳得廢士民感之

金明源字耀庭浙江山陰人由宿州遷知平定歷任後百廢俱興州志自乾隆初知州鉅野姚學堯續修前牧蔡廷弼再修之未脫稿而調署朔州明源披閱其稿刪繁正譌成書十卷其餘善政不勝枚舉至今民猶稱頌其德焉

闕崇德泰興人知平定州居官清正體恤民情時兩驛蓄養號馬採買草豆民間頗受其累崇德繼前任王設立公局令民納有定數存有定數按馬給食按給領價至今官民兩便



無迫呼缺乏之擾民爲立景賢祠以祀之

龔導江字岷山仁和進士知壽陽縣下車後均徭役課耕鑿增修受川書院學舍續建新常平倉表揚孝子節婦凡養民教民與風劇乎民者無不悉心力爲之公暇復纂輯縣志時休甯戴震方修汾志因就之參訂故其書特有義法而於壽陽受陽之辨桃水洞渦之脈尤能根據史傳考核糾正而爲當時諸大憲所交賞云

徐石峰鉅野舉人知孟縣性剛政尙嚴博徒宵客聞風遠遁四境肅然興修廢墜其鉅者則書院膏火師儒官舍以及關廟秀水橋所費胥數千金十九年以微嫌爲兩學詳揭上官並劾之方解官待質

特旨石峰留任兩學抵罪後奉調赴部引見受代畢布衣草

覆而去一時有青天之稱云

金傳世山陰進士知孟縣性廉靜愛民子弟公車赴京師遣人宴之不許過孟解任後兩衷蕭然士民醵千金爲誌婉辭卻去

李榕字秀南知樂平縣秉心公正立政有體率捐楮闢書院膏火多士蒙休斷事明允強暴斂跡德洽民心幾至刑措陶鏞字序東蕪湖進士知樂平縣精明愷悌歲旱勸諭紳士平糶民食以濟倡修廟學葺治沾城書院以次及西門魚鱗坡井城門以資保障利行旅糧無重耗訟無停滯編審升汰公明士民有清映冰壺明空玉鏡之頌

馮兆觀字鏡堂山陰舉人知樂平縣清慎廉明愛民禮士柏井驛蕤草向無定額民苦之乃視馬匹額數通計一年所需

酌派發價立有定規俾無科斂重收萬民感悅後調安邑

李早榮字開甫東光舉人知樂平縣蒞事勤敏存心仁恕甫抵任值金川兵差絡繹柏井驛供支身為經理不擾商民及秋縣境三十餘村間被寇災親詣撫恤尤為黎庶感戴

鍾一誠字照林江西定南人乾隆己巳以進士知定襄縣關晉昌書院延名師相與講授力興古學根極理要一時士人多欣欣向學風氣一變嘗言清則吏不能欺勤則事無不理故其為治一本廉靜不生事亦無廢事後因案件上官意罷去人咸惜之至今百餘年尸祝不衰有詩文集行世

徐攀桂鄭州副貢以代州判官攝令定襄其治縣與鍾相仿亦喜文學倡修文廟增葺書院捐設經費嗣是科名鼎勝相繼捷者十有一人皆所拔識者也工詩著有柳塘集又哀輯

邑哲最著者爲晉昌先賢錄以勵流俗去官後羣追思之曰  
其形像配食縣社

吳重光字萱山江都人乾隆中由舉人知代州廉靜愛民在  
官十年課樹藝振學校甚有循聲州志自前明萬厯後缺於  
廣續乃集文士悉心採輯爲書八卷文獻藉以有徵云

王秉韜字含溪漢軍人由五臺知縣繼吳攝州事剛果有爲  
事至立決而行以仁恕民不苛之關斗山書院聚生徒講誦  
優其月俸歲儀設法振濟全活甚眾鄉民孟某爲仇家誣以  
殺人事獄既具勾決有期矣爲平反白其寃至今尸祝之期  
年憲知保德州後官至河東總督其令五臺及十年建同善  
會凡書院義學皆取資焉又推其法立義倉歲出借農民籽  
種辛丑

鑿輅西巡大吏藉供張強役臺民秉韜力爭之始定昇一木一石及取民田中土一畚者均給值歡聲動山谷在保德時有河干民婦報夫外出夜來三盜劫其入金者吏請改劫爲竊可免處分秉韜不可曰州民居河岸穴土爲室不成村落男子皆手藝外出強暴之來何所不至此盜不誅沿河無安枕之日矣卒如案上揭懸賞捕獲三盜梟首河干其實心爲民若此

邵豐鏃字萊峰浙江山陰人知崞縣以廉幹稱政多修舉捐葺城鄉義學橋梁公所數十處不以擾民重修邑志甫脫稿調鳳臺去

顧弼字賡颺天津舉人繼邵任廉明公恕實惠及民有古循吏風邑志續成梓以行及去官士民遮道餞送勒石以志遺

愛

孫略字圯授全椒人由翰林改授繁峙知縣性仁慈每笞杖輒垂目不忍視稅法銀一分抵以十錢略以時值減其二邑舊多流亡丁徭爲累見制丁歸地糧代人之置產者梗之略力爭不能得時以爲憾嘗判案吏稟請決杖批云某前已杖幾字盡端楷其寬仁敬慎如此後供事臺山勞瘁卒士民哭奠三日

周銘詒字慕劬鄱陽人以進士知繁峙縣爲治精勤待士以禮擇其秀而文者月必召之庭親爲講授修葺廟學慎用民力數年事始集乾隆癸酉五月雨雹渚沱以南稼無寸苗欲發倉貸民吏以秋債爲難卒排羣議發之秋乃大登他縣民謀欲南山開礦走書四集且納工本力持不可請於上立案

永禁居十年調長治去送者皆走至百里外

張重振任邱進士乾隆十一年知保德州聽訟明快持躬清廉居十二年乞疾歸

錢之青震澤舉人知保德州新疆事起接送軍差時值歲歉悉心調度民得安堵年餘以病去其繼任者爲言如泗遇軍裝駝馬過渡借用營卒不煩民力在州九月亦以病去汪如椿歛縣人於軍事賑務弊絕風清四境帖然居五年卒於官段汝舟武進人由進士知保德州乾隆初前牧桐城方浩嘗闢書院以經費不給中廢汝舟爲興復之復倡修城垣工未竣遽卒青陽吳名琅繼任力程其事迄今賴之

王棟乾隆末知保德州公正嚴明蒞事勤慎愛士惠民教養兼至興廢舉墜善政多端

字北鳳武安拔貢歷州縣所至有循聲乾隆十二年知平定州調解州政體嚴肅思慮精詳屢判疑獄上游倚重操守清苦爲晉省第一在州兩逢凶歲悉心籌畫民無失所其所營建若創立書院增修城垣以及關廟皆鉅工也不懈而庶於成居八年再調忻州歿於任所解人感泣請祀賢守祠言如泗昭文人先賢言子裔也由恩貢教習授知縣歷任垣曲聞喜擢知保德州並有政聲乾隆二十六年題補解州嘗修州志統屬縣及運城於解命曰全志凡城池壇廟衙署渠堰有關典制及民生利病莫不葺治一新而學宮書院尤所加意嗣是文教日盛州人時稱述之以爲不愧道南雲仍焉胡龍光中牟進士乾隆五十四年知解州清廉仁愛安靜不擾政暇屏騶從行阡陌間與農夫閒話詢及疾苦故習知民



情不爲吏胥壅蔽天旱禱雨輒應有所雨十二應碑記人謂至誠所感

謝庭琪全州進士知安邑縣性至孝居官廉慎和易革除一切陋規嚴於交際嘗自題廳事云門無私謁袖有清風人以爲實錄當道推爲晉省廉官第一以薦超擢太原守丁母艱貧不能歸安邑人感德賻助婉辭弗受耿介之操終始如一呂澠字式之武進人知安邑縣纂邑乘修文廟舜陵以及廡宇橋梁百廢俱舉所撰記序甚多

田成玉潛縣進士由繁峙調任夏縣儉約端謹聽訟嚴明人不能售其欺每治事胥吏屏息編審里甲事竣而民不擾兩縣人皆頌之不置以親老乞養歸

陳似泰興進士知夏縣樸訥廉介創建涑水書院於溫公祠

旁聚生徒親課之

李遵唐字學山固始舉人知夏縣明幹有爲百廢俱舉營移建溫公祠創築護城月隄於城鄉社倉義學無不極意經營而所修白沙河隄尤堅固爲鹽池及夏城利害所關民稱爲李公隄調知聞喜興學課士亦多政績

梅士傑黃梅人夏縣知縣重修廟學及城垣學優政舉民感其德立祠祀之其後有馮魁顯以恩平舉人任亦以禮士愛民丕著循聲

李鍾淑字平侯濟甯人以貢生知平陸縣吏治修謹持大體不爲深苛創建義學暇日集諸生講說經義士民懷之爲樹德政碑

胡官龍德清進士知芮城縣廉靜不擾慈祥愛人專務德化

不事刑朴屢辦大差不煩閭里刑清政簡調祁縣泣送者數十里不絕有去思碑

莫溥開州舉人知芮城縣精明強幹教養有法崇學校興書院修城垣爲政務持大體治績卓然纂輯縣志詳明有法及去官士民攀送如失慈母

孟傳輝睢州人知芮城縣沈毅有爲士民畏服邑中多所營建措置得宜重修書院庭斷灘地千餘畝充公增膏火政績著聞

邵其德雲南保山進士乾隆六年以翰林改外任知絳州方正廉潔一塵不染調任後行囊蕭然餽遺盡卻臨行泣送者數百人

李高高密人以進士知絳州慈惠廉正盡革行戶供應陋規

催糧設立滾單民甚便之

張成德丹徒人知絳州歷十餘載政簡刑清不煩不擾慨然以維持風化爲急捐廉移建節孝祠重修州志搜輯靡遺士林稱之

阮汝昭大興進士乾隆元年知稷山縣廉明勤謹決獄如神謝絕一切餽送有干謁者預戒閤人拒不得通爲政以嚴行愛鋤奸除暴不遺餘力宵小聞風遁跡有夜不閉戶之風士子間有戾於禮法者召至明倫堂泣涕開導動以至性人多化之後調曲沃絕夫役清行戶政聲著聞

王今遠字用晦曲周進士知垣曲縣果斷明決案無留積吏胥不敢爲奸每論政治得失剴切精詳悉中款要尤工詩文凡所遊歷著作甚夥以艱歸後補日照令升濟甯知州

黃國璽大興人絳縣知縣外和內剛政簡刑清聽訟明允多  
所平反其精明雖老吏亦不敢欺憫鄉民失學嘗設立義學  
數十處上流嘉其政治調繁安邑

秦振霖三原舉人垣曲知縣廉靜寡欲絕請謁禁餽遺建毫  
城書院捐俸置地三十餘畝以資膏火凡遇公務徵發念垣  
邑地瘠民貧屢請於上多獲免以憂去後補彰縣令

侯錦雲金匱舉人知河津縣性周慎廉而仁民間疾苦如身  
受嘗有大繇役錦雲急見當事言縣寒苦狀委曲剗擊役得  
免事母孝板輿迎養以平反得色笑焉三年乞養歸百姓盼  
其補原任猶來津也弗果以爲憾

錢源龍奉賢進士知稷山縣廉靜自持嚴束僕隸胥吏事事  
多面決堂上日用薪米俱依市價支給修城池官署與西師

軍需悉心設法不以纖毫累民歷任五年吏民安之以疾卒於官

李毓岱長壽舉人知絳縣爲人剛直自奉極澹泊居官不異寒素前令徐以黍設涑陽書院未竟工去毓岱繼成之文教聿興嘗作勸民歌十條皆有裨風化時值西師未竣兩次採辦軍需皆捐俸購置毫不派累里民旋以疾致仕士民送者遮道

李繼嶠字少山綏德州人由教習知絳縣多惠政嘗移建華靈書院搜廢寺田舍資生徒膏火士民建生祠於書院門右韋之瑗字碧孔樂會舉人知稷山縣鋤奸剔弊寬嚴得體建思文書院教養士子輯修邑乘以最擢甯州知州

湯登泗丹陽進士知垣曲縣法令嚴明培植文教纂修志乘

築護城隄以防水患祠宇有圯者並新之民至今誦焉

黃鶴齡字櫟田都昌舉人由蒲縣調知河津在蒲翦豪猾除竊盜有能名及改任剔弊興利百廢俱舉城池學宮壇廟皆加整葺創修文清書院尤爲士林所頌再調臨汾亦著政聲  
惟埋骸篋之徒聞風遠遁遷太原府同知

程行駟字敬躋孝感舉人知河津縣在官樸率暑威儀顧位爽不作欺人語治津七年正風俗杜奔競禮紳士抑胥吏皆持大體遇事求自信決大獄審覆不厭詳或小事偶不得情斷後仍改絃紉者謂其二三終心折也以疾卒於官士民流涕

博文滿洲進士知隰州興修學宮添建考院築城隄以防水患其後牧有長白穆丹高陽韓湯衡並以進士任皆嘗置書

院經費時有前穆後韓之頌

金虞仁和舉人蒲縣知縣博學工文情慎精幹不事察察而吏畏民懷尤雅意學校培植士類洪洞民狀臺省請鑿山取蒲川水灌溉其縣上官議允其請虞力陳其不便義形於色事遂得寢而虞亦尋病卒身後囊無一錢士民感其德資送歸里無不流涕者

劉鉞字朗軒滿洲人知大甯縣多惠政邑人立去思碑

陳鈞遵義進士乾隆十一年由江夏令擢霍州知州潔已愛民守正不阿捐俸改建霍山書院集師儒相與講授大金川之役羽書旁午車馬芻糧有取給於州加以監視者遍宿驛館名爲協辦實則累之鈞供億不支又不肯以科派病民己巳元日朝賀畢肅衣冠書數十紙并書絕命詩曰忠孝兩難



全微軀莫自保惟求大憲思念我雙親老遂自戕焉越九日殞命年三十九州人哀之爲耐祀於忠愛祠與王親字李繼菴號爲三忠其後又別建祠祀焉

單燾高密舉人知霍州多惠政增拓書院添設膏火創修南北石橋西土橋裕留養局經費士民德之升泉州府知府蘇襄雲武城進士由翰林改趙城知縣開渠灌田士民勒石頌德

李超倫陝西固城選貢知趙城縣建書院於城南左偏留意教養士民惠之

張曾敏桐城人知靈石縣仁恕廉潔修建書院作養士子尤善形家言改建文昌閣於翠屏山是後科第駟聯而起邑人德之與前令路一麟汪志伊同祀閣上

虞奔殺金壇人知靈石縣公慎勤敏博學健文著有靈石頌  
蔡陶令南橋碑記又建柳雪亭於水頭鎮

右乾隆年一百五十七人

又十三人附見

山西通志卷一百十